

Te taeraa te Evaneria i te mau motu Raro Mataì (Tuhaa IV)

Ua faaineine-hia te parau no te taeraa te Evaneria i te mau motu no Raro Matai mā ei taururua i te mau pāroita i roto i te oraraa no te öroa 5 no Māti no teie matahiti 1993. Teie te tuhah matamua no taua parau ra ta tātou e hiò i Huahine e i Tahaa. I roto i te veà i muri nei, e hiò ai tātou i te taeraa te Evaneria i Raiatea. Porapora, e Mau-piti.



I HUAHINE: testant.

I te 22 no Titema 1808, ua tupu te tahī àroraia i rotopū i te nuu o te Arii Pomare II e te nuu o te Teva i Tahiti nei. Te tumu o teie nei àroraia, te hinaaro ia o te Teva i te haru i te faatereraa a te Arii Pomare. Na te Raatira rahi ra o Tauta i aratai i te nuu Teva i roto i teie àroraia, te tumu ia i topahia ai te iòa o teie tamai i roto i te àai o Tahiti e, te tamai a Tauta.

Hou aè teie nei àroraia, ua tamata nā mitionare peretane ra o Henry NOTT rāua o William SCOTT i te faatupu i te hau i roto i nā nuu e piti nei, aita rā ta rāua öpuaraa i manuia inaha ho, ua tupu mau a te tamai.

Nā roto i to te Arii iteraa e, te fisi ra to na pupu taata i roto i te àroraia, ua faaara o ia i to na manaò i te mitionare ra ia Henry NOTT e, mea maitai te mau mitionare atoà e pūhapa ra i Matavai ia faaue i to rātou nohoraa e ia haere e faaee i nià i te motu no Huahine.

No te aha e haere ai i Huahine. Teie ia, no te mea tei reira o ITIA, te hoa vahine o te Arii matamua ra o Pomare I. Ua ite atoà tātou e ua faaruë roa mai o Pōmare I i te 3 no Tetepa 1803. I to Henry NOTT hiòatoà-rra e, e fisi mau a te nuu o Pomare II, ua manaonaa o ia i to na mau hoa mitionare, i faaue ai o ia ia rātou ia faaruë i to rātou pūhapaaraa e ia haere i Huahine. Tau mahana rii noa i muri aè i to rātou revaraa atu, ua tānina-roa-hia to rātou pūhapaaraa i te auahi.

Te tere o te mau mitionare i Huahine.

Ua faarue mai rātou i Tahiti i te mau taata rii hopeà no te matahiti 1808, e ua tapae rātou

nā nia i te tahī fauraò i te tuhah mataèinaa no Farenuiatea tei pihia i tele mahana o Fare.

Teie i muri nei te iòa o taua mau mitionare ra.

- EYRE John, e örometua o ia

- HENRY William, e tāmuta o ia

- DAVIES John, e örometua e e haapii tamarii atoà

- ELDER James, e örometua o ia

- TESSIER Samuel, e tāmuta rima o ia

- WILSON Charles, e tāmuta o ia

- HAYWARD James, e haapii tamarii

- SCOTT William, e tāmuta rima o ia.

I Tahiti nei, no te üana te tamai a Tauta, ua horo o Henry NOTT i Eimeo e faaee atu ai.

E aha te huru o te mau mitionare i Huahine.

Ua fāriihia mai rātou e ITIA vahine. Aita i moèhia ia tātou e, ua fārii atoà na o ia nā reira te Arii Pomare I i te mau mitionare Peretane i to rātou tae-matamua-raa mai i Matavai i te 5 no Māti 1797. Ua riro o ITIA ei tauturu rahi no te mau mitionare i Huahine. Ua fārelel rātou i te Raatira rahi ra ia Mahine nā reira ta na tamaiti ia TAAROARI!. I muri aè i to rātou faanhoraa i to rātou oraraa i Huahine, ua haamata rātou i ta rātou öhipa pororaa Evaneria i Fare. Huahine, na te mau mitionare. I roto i te àai, te piti tele o te pū no te öhipa pororaa Evaneria i muri mai i te pū no Matavai i tānina hia i te auahi. Te faufaa rahi i roaa mai, te faaineineraahia te tahī mau poro èvaneria māohi, e mau taata Huahine, no te öhipa a te Metia.

mitionare i ta rātou öhipa pororaa Evaneria i roto i te mau mataèinaa no Huahine e ua ite-atoà-hia te ànaänatae o te nūnaa no Huahine i nià i te parau ora a te Atua tei aömatamua-hia e te mau mitionare. I te matahiti 1813, ua irithia te Fare Haapiraa faaroo i Papetoài (Moorea). Inaha, ua tupu mai te hinaaro i roto i te tamaiti a te Raatira no Huahine ia TAA-

ROARI! e haere atoà i Papetoai i roto i taua Fare Haapiraa faaroo ra no te haapil ia na i te parau no te Evaneria a te Metia. Ua nā reira mauā o ia e ua riro o ia ei matamua no te mau pipi i roto i taua fare haapiraa no Moorea ra, nā reira ho i UTAMI, te Raatira rahi no Tahaa.

Mai te matahiti 1813 e tae atu i te hopeà matahiti 1815, ua hotu roa te huero o te Evaneria, nā mua roa i roto i te àau o te raatira no Huahine. Ua faaue o ia i te mau raatira atoà ia haapae rātou i te mau haamoriraa tahito i nià i te marae, te rahiraa o taua mau marae tei patuhia i te pae miti, ia tānina-atoà-hia te mau itoro hāmanihia e te rima taata, ia faaee te nūnaa no Huahine i te rave i ta rātou mau peu tahito e ia haapao rātou mai taua taata, i te mau aratairaa a te faaue no te here o LEHOVA ia rātou e ia faaue atoà i te mahana tāpati. No reira, i te matahiti 1815, ua fārii mau a to Huahine i te parau no te Evaneria, àrea rā ho, i taua matahiti atoà ra i tupu ai te tamai tei parau, hia te tamai Fēi-Pi i te 12 no Novemba 1815 tei faaupootia atoà i te Arii Pomare i nià i to na

mai ènemi i Tahiti. E aha ia te tahī öhipa faufaa ta teie nei tauira i faatupu. Teie ia : i te matahiti 1817, ua haamauhia te tahī pū haapareraa Evaneria i Fare. Huahine, na te mau mitionare. I roto i te àai, te piti tele o te pū no te öhipa pororaa Evaneria i muri mai i te pū no Matavai i tānina hia i te auahi. Te faufaa rahi i roaa mai, te faaineineraahia te tahī mau poro èvaneria māohi, e mau taata Huahine, no te öhipa a te Metia.

Teie i muri nei te iòa o te tahī o taua mau atoà ra mai te matahiti 1820, rātou i tonohia i te tahī atoà mai motu :

- o PARA, tei tonohia i RAIKAVAE (1820)

- o AIRIMA, tei tonohia i MAIAO (1822)

- o UTU, tei tonohia i MAIAO (1822)

- o MATAORE, tei tonohia i MATUITA mā e i HAWAII (1822)

- o MOEA, tei tonohia i MATUITA e i SAMOA (1828)

- o AUNA, tei tonohia i HAWAII (1825)

- o TAAMORE, tei tonohia i MAIAO (1836)

E no reira, te parau no te taeraa no te èvaneria i Huahine, ua ômuahia ia te reira e te mau mitionare peretane no te Totaiete faatupuraa parau no Ronetona (L.M.S.). Mea nā roto ho i te tamai rahi a TAUTA tei tupu i Tahiti i haere atu ai te mau mitionare i Huahine i te matahiti 1808, matahiti ia i tae matamua atoà ai rātou i nià i taua motu ra.

Mai taua matahiti ra e tae roa atu i te matahiti 1815, to taua mau mitionare ra tūtavamāite-raa i te rave i te öhipa pororaa èvaneria i te mau taata no Huahine, mai te haamata nā nia i to rātou raatira rahi ia MAHINE. Te tahī pae o te mau mitionare, ua horo atu ia i te fenua Auteraria nā nia i te pahī ra ia "HIBERNIA" i te matahiti 1809.

E parau atoà rā tātou e, maoti atoà aè te tauru rahi a te hoa vahine o Pomare I, oia o ITIA, i manuia ai te öhipa a te mau mitionare i Huahine, la fārii to Huahine i te te Evaneria, ua òre te mau peu tahito, e māramarama apī tei hiti i roto i te àau o te taata, e manuaraa no te èvaneria i nià i te mau peu tahito, i nià thoà rā i te hui raatira no Huahine.

I TAHAA

Ua ite tātou e, ua ámui atu o UTAMI, te hoé o te mau raatira no Tahaa, i Papetoài-Moorea i te matahiti 1813 no te haapii ia na i te parau no te evaneria. Eita e òre e, e mea nā roto atoà ia na i fārii ai to Tahaa i nià i te Evaneria. Teie rā, ia hiò anaè tātou i te parau o te mau mitionare i tae matamua atu i nià i te motu no Tahaa, e parau ia tātou e, o te mitio-

nare peretane ra ia o Prosper BRUN. Mea nā hea to na haereraa atu i Tahaa e no te aha. Ua tae mai o ia i Tahiti i te matahiti 1818. I taua taime ra, aita aò o ia i faatähinuhia atu ra ei örometua. Teie rā, tei taua taime atoà ra, i te matahiti 1818 to na faatähinu raa i Tahiti ei örometua.

I te matahiti 1822, ua tere atu o ia i Raro Matai. I taua mau pae motu ra, ua haamatahia te öhipa pororaa èvaneria i Huahine e i Raiatea atoà. I te motu no Raiatea i taua area matahiti ra, ua öhipa na te tahī mitionare tuiro oia ho i Tihoni Viriamu i reira. Maoti aè o ia i fārii ai to Raiatea i nià i te Evaneria. Nā roto ia Tihoni VIRIAMU, ua ànaänatae mau to Raiatea i te öhipa pororaa èvaneria a te mau mitionare.

I te fenua Tahaa, te vai ra te tahī raatira rahi o FENUAPEHO to na iòa. Ua faarooroo o ia i te mau parau apī e atutu ra nā Raiatea, te mau ohipa apā e tupu ra i reira e te fāriu-rahraa te taata i nià i te faarooroo apī.

I te matahiti 1822, ua tere mai o ia i Raiatea e fārelel i te mau mitionare peretane mai te ani la rātou ia afaiatoà-hia te tahī mau poro èvaneria i nià i to na motu i Tahaa no te faaite-atoà- raa i taua mau parau apī ra i to na nūnaa. No reira, te örometua ra ia o Prosper BRUN tei haere atu i taua matahiti 1822 ra i Tahaa, i nā Vaitoare atu o ia i te haamata i ta na öhipa. Aita atoà i maoro roa, ua fārii te raatira o FENUAPEHO i te èvaneria e te mau maitai e vai rai o roto i taua èvaneria ra e te mau vāhi apī ta na e ite ra ia fārii te taata i taua èvaneria ra.

Ua ite atoà te örometua Prosper BRUN i te faufaa rahi o te parau

no te faaineineraa i te tahī mau taata no Tahaa no te öhipa pororaa èvaneria. O te öhipa mau a ia ta na i rave. Ua itehia te ànaänatae o te taata, e inaha i te matahiti 1823, i te muri aè i te roaraa hoë matahiti, ua rooa mai te tahī mau tāvini el mau hoa rave öhipa no na, e taua mau tāvini ra tei tonohia atu i te fenua Rarotoka :

- o AVAEINO, tonohia i MITIARO (Rarotoka) i te matahiti 1823

- o TAVITA, tonohia i MANGAIA (Rarotoka) i te matahiti 1823

- o TAUUA, tonohia i MANGAIA i te matahiti 1823

- o TESAIRU, tonohia i MANGAIA i te matahiti 1823

- o TEREMU, tonohia i MAUKE i te matahiti 1823

- o TIERI, tonohia i MANGAIA i te matahiti 1824

E no reira, nā roto i teie mau tāvini no te fenua Tahaa, ua itehia te itoito e te manaò pūai i te faaiterea i te iòa o te Fatu i roto i te mau motu no teie moana Patitifa.

Tete rā ho i te matahiti 1827, ua faarue roa mai te hoa vahine o Prosper BRUN tei haere atu i taua matahiti 1822 ra i Tahaa, i nā Vaitoare atu o ia i te haamata i ta na öhipa. Aita atoà i maoro roa, ua fārii te raatira o FENUAPEHO i te èvaneria e te mau maitai e vai rai o roto i taua èvaneria ra e te mau vāhi apī ta na e ite ra ia fārii te taata i taua èvaneria ra.

Tau matahiti i muri mai, ua riro te motu Tahaa, o Vaitoare lhoà rā el vāhi i haamauhia ai te àua pipi matamua i te mau pae fenua Raro Matai i te matahiti 1852.

Te parau no te faatupuraa i te Evaneria a te Fatu i te motu Tahaa, e öhipa a ia na te mau mitionare peretane, tauruhia mai e te mau taata iho no Tahaa.

Eita e ore te tahī atu mau parau no te taeraa te Evaneria i Tahaa i te faaraval-māite-hia atu e te tahī mau taata paari no Tahaa iho e aore ia, te tahī mau taata tei ànaänatae i te pāpāi i te àai no to te Evaneria taeraa i to rātou fenua.

**TAUIRA MARAMA
OROMETUA**

